

雖有榮觀燕處超然

燕閑也靜也處居也坐也雖有榮華之境可以遊觀或暫時動而出外然常在內閑居靜處超然無一物累其心此言動之主乎靜也

奈何萬乘之主而以身輕天下

以身輕天下謂以其身輕動於天下之上也萬乘之主當靜重奈何以其身而輕動乎周王之乘八駿漢帝之為微行以身輕天下者也但言輕不言動者蓋動與靜對動則有輕有重輕與重對輕重皆在動時言輕而動在其中矣

輕則失根躁則失君

道藏輯要

道德真經註

五

心集十

有輕而無重則失其輕之根有動而無靜則失其躁之君

右第二十二章

此章以輻車喻重燕處喻靜姑指一端而言爾國勢之居重馭輕兵法之以靜制動

與夫人之治心治身皆當本之以重主之以靜也

善行無轍迹善言無瑕謫善計不用籌策善閉無關鍵而不可開善結無繩約而不可解

善謂善於其事轍車轍迹足迹瑕玷謫過責計計數多算也籌策計算者所用之算以竹為之關鍵拒門木也橫曰關豎曰鍵繩約索也合之而成體曰繩用之而束物曰約行者必有轍迹在地言者必有瑕謫可指計數者必用籌策閉門者必用關鍵結繫者必用繩約然皆常人所為爾有道者觀

之則豈謂之善哉善行者以不行爲行故無轍迹善言者以不言爲言故無瑕謫善計者以不計爲計故不用籌策善閉者以不閉爲閉故無關鍵而其閉自不可開善結者以不結爲結故無繩約而其結自不可解舉五事爲譬以起下文聖人善救之意

是以聖人常善救人故無棄人常善救物故無棄物是謂襲明聖人之救人救物以不救爲救亦若上文所譬以不爲其事爲善也蓋有所救者必有所棄假使所救者百千萬人百千萬物然此百千萬之外皆棄而不及救者也聖人之善於救者不然一皆無所救無所救則亦無所棄矣不見其爲救此

道藏輯要

道德真經註

三

心集十

而棄彼也故無一人是棄而不救之人無一物是棄而不救之物襲者如以外衣掩蔽其內衣儻救人救物之功彰彰而明天下皆見其救之不謂之善救矣必使無救之之跡掩蔽其所可見而眾莫能知故曰襲明善救人善救物與善行善言善計善閉善結凡七善字有道者謂之善世俗不知其善也蓋世俗以能爲其事爲善有迹可見有名可稱而與不善爲對有道者以不爲其事爲善泯然無迹渾然無名而無與爲對者也若世俗所謂善不善如下文所云

故善人不善人之師不善人善人之資

善人謂善於其事之人不善人謂不善於其事之人師者人

所尊事以爲法者資者如以財貨給人俾人藉之賴之而得
以有所成者彼善而此不善以彼之善與此之不善者相遠
而人灼見此之不及彼則彼人之善可爲此不善人之師矣
彼不善而此善以彼之不善與此之善者相形而人遂見此
之過於彼則彼人之不善迺爲此善人之資也謂因彼之不
善以成此之善名故曰資然善不善之名對立豈有道之世
哉下文言有道者欲使世之人不以善名亦不以不善名也
不貴其師不愛其資雖知大迷是謂要妙

愛由云喜好也要猶云至極也妙者玄不可測使不善者之
遇善人雖得以爲己之師而不貴重之也蓋不欲名斯人之

道藏輯要

道德真經註

三

心集十

爲善也使善者之遇不善人雖得以爲己之資而不喜好之
也蓋不欲名斯人之爲不善也善不善之名俱混一概玄同
無可分別雖有智者亦大迷而不知其孰爲善孰爲不善斯
迺妙不可測之至極曰要妙

右第二十三章

前二節言聖人不可名之善後二節言常
人兩可名之善不善其不彰不可名之名
者謂之襲明其不分兩
可名之名者謂之要妙

知其白守其黑爲天下式爲天下式常德不滅復歸於無極
白謂光明黑爲塵暗無極謂無所窮盡

知其雄守其雌爲天下谿爲天下谿常德不離復歸於嬰兒
雄謂剛強雌謂柔弱嬰兒謂無所識知